

State Government-tu Ngaparpungkula Wangkanytja

Mungatu nganana Premier munu Cabinet Minister tjuṭala pitjangu April 30-nguru May 2-ngka, 2017-ta, APY Lands-pakutu unytju nyakula wangkanytjikitja, munula ngura nyanga tjanalakutu anu — Pukatjalakutu, Fregon-takutu, Intalkalakutu, Mimililakutu, Amatalakutu, Pipalyatjaralakutu, munu Umuwalakutu, munula Anangu tjuṭangka nyakula wangkangi — tjinguru Anangu 400, ngura panya tjuṭanguru munu tjuṭa nguwanta. Kaya nguraritja tjuṭangu ara tjuṭa tjakultjunangi nyara palula nganana nyinanyangka. Ka nganana wangkara kuliningi nyura wangkanytja munula kuwari pukularingi ara nyurampa kulintjatjanungku, panya yaaltji-yaaltjingkula nyurampa kulintja palyalku.



Waaka munu Waakaku Nintiringkunyitja

- APY Lands Main Access Road Upgrade Project-tu palyanu waaka tjuṭa Anangu tjuṭaku [75], ka ngaranyi ngura walytjanga-walytjanga waakarinytjaku.
- Anangu kutjupa tjuṭa waakariku wali palyalpaingka, ka State Government-tu ngurkantankuku Anangu mankurpa waakarinytjaku – panya alatji wangkanyi 35% tjaka tjanampa ara ngurkantankupai.
- State Government-tu program kutjara palyanu Anangu tjuṭaku nganmanytju nintiringkunyitjaku – Main Access Road Upgrade Project-tawanu Anangu tjarangu [60-ku] traffic-aku nintiringanyi, ka Anangu tjarangu [75-piku] White Card Construction-aku nintiringanyi.
- State Government-tu munu Indigenous Land Corporation-tu tjuṅguringkula waakarinytjaku APY Pastoral-pangka waaka kutjupa tjuṭa palyanytjaku, Anangu yangupala munu kungkawara tjuṭaku.



Pika Wiya Kunpu munu Palyanku Nyinanytjaku

- State Government-tu Nganampa Health mani ungkuku ambulance 7-pa nyuwana mantjintjaku, Anangu tjuṭa warpungkula alpamilantjaku.
- State Government-tu \$1 million ungkuku NPY Women's Council-pa, minyama munu tjitji tjuṭa aṭunmankunyitjaku pikaringkunyitjakutawara, munu kunpu kanyintjaku.
- State Government-nga tjuṅguringkula waakariku Nganampa Health-pangka, Amataku Clinic wiru palyantjikitjangku, munu State Government-tu tchapinu Nganampa Health, tjitja tjuṭa Kenmore Park-alakutu ankunyitjaku tjitji tjuṭa nyakunyitjaku, ka tjitji

tjuṭa kuulangka nyinara nintiringkunyitjaku, Kenmore Park-ala.

- State Government-tu Amatala bathroom tjuṭa wirulku, Independent Living Unit tjuṭangka, wali kutju-kutjungka, pampa munu tjilpi nyumpu tjuṭaku.
- Ka Skill Hire-ngku ramp tjuṭa palyalku Amatala, wali kutjungka-kutjungka tjana witera wheelchair-ngka ankunyitjaku.



Ngura munu Waaka Tjuṭaku Tjukurpa

- State Government-tu \$2.3 million ungkuku South Australian Interpreter Service palyantjaku, Anangu tjuṭa alpamilantjaku.
- State Government-tu \$300 000 ungkuku MoneyMob Talkabout-ta, manitjara wangkara pulkantjaku Ananguku.
- State Government-tu \$320 000 ungkuku Art Centre tjuṭaku mayatja tjuṭaku waliku palyantjaku, tjananya aṭunmankunyitjaku ngura 7-pangka, APY Lands-pangka.
- Housing SA-pangu wali panya 6-pa wirulku Kenmore Park-ala, March 2018 kuwaripangka.



Iwara Tjuṭa

- APY Lands Main Access Road Upgrade Project-tu iwara wiru palyani Anangu tjuṭa wankaru iwarangka ankunyitjaku. Anangu 75-ingku waaka nyanga palunya mantjilku iwarangka waakarinytjikitjangku.
- State Government-tu Amatalanguru munu Umuwalakutu iwara wara panya [40 kms] piruku wirulku, ka muṭumuṭu panya [20 kms] wiyalku July 2018-pangka kuwaripangka.
- Ka State Government-tu kuwari Pipalyatjarala munu Kalkala ngururpa iwara wiruni [15 kms],

munu tjalpiku iwara wiruntjikitjangku Kenmore-la munu Pukatjala ngururpa [1 km].



Kuula munu Tjitji Tjuta

- State Government-tu mani ungu kuula tjuta APY-angka, tjitji tjutangu kuulangka warpungkula internetpa-angka nintiringkunyjtaku.
- State Government-tu \$100 000 unganyi tjitji pulka tjuta kuulangka kutjupa-kutjupa tjuta palyara tjana pukulpa munu palyanku nyinanyjtaku ngura tjutangka.
- Tjitji pulka tjuta kuwari kuulangka kutjupa-kutjupa tjutaku nintiringanyi, kuulangka ngula tjanampa SACE pipa mantjintjikitjangku, munu tjana ngula tjanampa ngurangka palyanyjtikitjangku.
- State Government-tu program kuwaritja tjuta palyani tjitji pulka-pulka tjutaku (12-pangka tjaru) panya paluru tjana kuulangka kutju wiya, urilita kulu palyantjaku, kuula alataingka.



Policeman-aku Tjukurpa

- Nyura kunyu tjalpinigi Police station kuwaritja palyantjaku nyurampa ngurangka, palu Policeman-tu ngura uwankarangka nyuranya alpamilanigi.
- Kutjupara Policeman unytju ankupai ila ngura kutjupakutu, ka kutjupara Police station-pangka nyinanytja wiya ngarapai, ka nyuntu tjinguru mukuringkulampa nampa nyangatja ringamilanma nyuntunya alpamilantjaku **131444** munta **000**.
- Nyuntu nyuntumpa nguraku waakarinyjtikitjangku mukuringkulampa (Community Constable), uti nyuntu tjalpinma Policeman-ta nyuntumpa ngurangka waakarinyjtikitjangku.



Wangkara Kulintja munu Manta Atunymankunytja

- State Government-tu Anangu APY Executive Board member tjutangka tjunguringkula wangkanyi munu wangkara kulini Mintabie-ku ara munu tjukurpa Mintabie-nyatjara (Mintabie Township Lease Agreement), ka tjinguru Mintabie-nya APY-ngku mantjilku.
- State Government-tu wangkara kulini APY Land Rights Act palyantjikitja APY nguraritja tjutangu uwanmankunyjtaku, ngura uwankaraku APY-pangka kutju.
- Nguraritja kutjupa tjutangu ngananala tjalpinigi mining-tjara, palu State Government-tu putu

uwanmananyi, palu APY Executive Board member tjutangu uwanmankunyangka kutju, State Government-tu ngapartji uwanmankuku. Ka APY Board member tjutangu munu nguraritja tjutangu wangkara kulintjaku mining-tjara palyanmara uwanmankunyjtaku, ka palulangurulta, State Government-tu uwanmankuku.



Pawa, Talapauna munu Internet-pa munu Wangkanyjtjatjara

- State Government-nga waakarinyi APY Lands-pangka munu pawa tjuta lipula ngaranyjtaku palyani, pawangu wiyantjakutawara.
- State Government-tu Anangu alpamilantjikitja mukuringanyi wiru kulira palyantjikitjangku mobile phone payamilantjaku, ka MoneyMob-tu pipa walkatjunkunyjtaku alpamilalku.
- 2017-pangka State Government-tu \$38 000 ungu kuula tjuta APY Lands-pangka, tjitji tjuta nintiringkunyjtaku internet-pangka, munu State Government-tu atunymananyi tjitji tjuta, ngunti kutjupa-kutjupa kura tjuta nyakunyjtakutawara. Ka SA Police-pangu program kanyini, ThinkUKnow, nyanga paluru alpamilalku online bullying APY Lands-pangka ngaranyangka ka ngunyjtungku munu walytja tjutangu, munu tiitja tjutangu, munu tjitji tjutangu kulu tjunguringkula wiymanama.



Manta munu Kapi

- Alinytjara Wilurara Natural Resources Management Board-pangu munu APY Executive Board member- ngku tjunguringkula waakarira wiymananyi, panya kamulangku, tangkiyngku munu nyanytjungku nganampa manta, ngura munu kapi kulu kuranyangka. Munuya tjanpi kura kulu nyanganyi (buffel grass), tjanampa ngurangka kulu (sacred sites).
- State Government-tu APY Executive Board member tjutangka tjunguringkula waakarira wiymananyi, panya nyanytjungku Mimilila nganampa manta, ngura munu kapi kulu kuranyangka.
- Nganampa Health-pangu kapi tjutira katingu nyakunyjtikitjangku Kanpilanguru munu Nyaparilanguru, munuya arkara nyangu kapi panya palya ngaranyangka. Ka SA Water-ngku kuliningi kapi panya Kanpiku munu Nyapariku, ngula palyantjikitjangku.